

義甯州志卷二十六

人物志

善士下

榮潤字澤遠號濟霖奉鄉烏石坪人幼醅謹甫七齡父病篤  
默禱於神至夜分家人呼之寐不應微聞其喃喃有願代  
父死之語父歿哀毀如成人及長勤學不就試人怪問之  
曰吾母煢煢抱隱痛敢頃刻離左右也故自髫齡以迄耆  
年依依孺慕平生和氣霽如喜行善尤喜勸善課諸子必  
嚴以禮法常誡之曰汝祖光策公試冠童軍未售抱憤以  
終吾以事汝祖母故廢舉業蓋有待於汝曹之成先志也

義甯州志

卷之二十六

人物志善士下

由是諸子益勵於學聯翩遊庠次子錫鵬舉嘉慶戊午鄉  
試宦浙著循聲長孫懷藻道光癸未進士識者稱翼貽積  
慶之徵云

韓光墀字燦廷泰鄉車田人以勤儉起家性好施予嘗捐金  
六百餘兩倡修宗祠於亥市祀昌黎魏國而下數十世居  
近葉楊渡輸金造船以濟往來捐田四畝備補修贍渡之  
資嘉慶九年襄建州治文塔復倡建泰鄉天馬文塔共費  
金六百捐助印山書院膏火田十畝他如城垣考棚浮橋  
及學官東廡諸義舉累費數百金皆隨聲立應嘉慶三年  
公舉鄉賓子國學作謨字顯周孫明經文郁參軍文邠至



曾元輩多急公慕義有任恤遺風者

張遂字勝歡號松湖奉鄉湖山人太學生仁厚寬和每遇歲饑以穀貸貧民出用大斛益之入則用小斛減之不計子母之權貧無力償者焚其券精醫施藥解囊釋紛至耄年不倦

劉躍龍字壽先號友松武鄉脉灘人四歲失怙母張氏苦節勤勞而教誨之躍龍性謹愿皆委婉順從及長奉母命經營貨殖家道日隆益銳志好義乾隆四十八年修墨村石橋費金數百有奇嘉慶十二年捐修脉灘渡贍給舟子十四年修脉村路二百餘丈其他善舉亦稱是族有與訐訟

義甯州志

卷之二十六

人物志善士下

二

而婪賦無已者及既老且貧仍調恤以終其身躍龍年八十由國學循例授衛守備子孫曾元五世一堂子學廉積學能文著有拱秀編諸孫貢成均入膠庠者凡十餘人卒年八十有八

胡澄源字耳偕別字平軒武鄉帶溪人性敏達事父至孝克贊善舉督課諸弟登文武乙科及年皆耄耄益友愛有司旌以壽愷重芬著考禮便覽爲家範修祖宗祠墓復捐產以永祀事戊午聞州警能捍禦以定衆志人獲安全歉歲輒平糶以濟鄉鄰嘗自著平淡圖說以省畏二字銘心卽以名堂平居喜博覽精學稟書及篆隸兼能辨古墨跡真

賡以子友梅貴 贈修職郎年八十三遺命子友梅友芳  
捐武鄉交山田三十五畝以備生童卷貲士林嘉賴之

徐林字如茂號喬松安鄉塘下人樂行善事遇荒歉召集鄉  
里開厰廣卹乾隆三年捐泰鄉田租十六石贍給南崖義  
渡子庠生受賻克承先志乙未都人士重修學宮受賻倡  
修西廡復捐金千餘建立泮池石橋州牧徐贈以泮沼重  
光

查經字益謙號虛齋州治國學生性耽風雅爲人落落有奇  
氣乾隆癸巳董修濂山書院乙未倡修學宮忠義孝弟祠  
克壯前觀捐穀社倉置田供祭族黨推重以子承瑛貴

義甯州志

卷之二十六

人物志善士下

三

贈修職郎季子承璋字贊廷號素菴孝友純篤嘗捐田奉  
祀賑貧恤困有仁讓風

李際春字東昊號梅窻奉鄉龍坪人少習舉業工吟咏循例  
貢成均事親養志外惟以詩酒酬唱自娛乾隆中捐金董  
修學宮州牧徐旌以義淡芹香著有梅窻詩集十卷

梁玉字楚濱號韞山崇鄉官溪太學生嘉慶三年楚匪焚掠  
陳坊等處玉家石馬嶺甚近獨捐金粟募鄉勇數百人堵  
扼於大石口賊不敢出境繼而官兵進勦陳坊文武員弁  
絡繹往來玉亦量爲供給事平郡府蔡齊明旌以急公尙

義

陳希鏡號鳳梧安鄉石梁人少孤事母至孝母病卧床褥者  
年餘希鏡日夜扶持抑搔無頃刻怠比卒哭聲不絕哀毀  
骨立每念母氏二十年撫諸孤之苦雖終其身沈痛不釋  
性剛不偶俗而篤於友誼自少攻苦力學以母歿遂棄舉  
業嘉慶癸亥由太學舉鄉飲介賓訓子姪常以踏實地留  
餘地爲言鄉里欽爲守道君子焉子四爾烈領嘉慶戊辰  
鄉薦爾熊亦慷慨有義聲

龔禧字待聘號純圃安鄉貢生以子旭官 馳贈修職郎性  
純篤事父顯愛敬備至顯字如金太學生居家以孝友稱  
禧平生尙義樂施與乾隆乙未倡修學宮西廡嘉慶己未

義甯州志

卷之二十六

人物志善士下

四

修毛竹大灣諸山驛路州牧楊煒撰記以嘉之獨建考棚  
大堂費金千兩捐租贍梅山義渡襄修文塔浮橋丁未洎  
癸亥歲饑出積穀平糶遐邇賴之弟參軍祥字燦雲號海  
峯亦急公慕義克遵父訓道光二年州紳公請郡守繼給  
匾獎勵顯旌懿德嘉行禧旌嘉行足式祥旌孝友可風  
彭秀萬字錫圭號筠莊仁鄉人居洪源苦學積行爲名諸生  
歲授徒得館穀輒奉甘旨以養親闡薦屢蹶刻意訓子慶  
楠翁雲姪承恩皆饒於庠以詩文名於時里黨秀俊之士  
來學者力爲講課不索俸鄉鄰以曲直來質者必面折之  
咸愧服故所居里數十年無訟事著有甯乘考正紀黃遺

事道光二年鄉守繼匾旌望重一鄉

魯大治字燮成號理堂高市人由太學例授州同溫厚和平與人無競亦不妄言笑乾隆丁未歲大祲饑民洶洶大治出穀千餘石減價十之三平糶以濟戊申六月大雨水暴漲冲塌廬舍時大治母張氏歿殯柩在堂舉家避水大治伏柩慟哭依依不忍去卒無恙其葺治橋塗贊修文塔率多義舉無少愆鄉里稱其有長者風

余谷春以字行號甫堂泰鄉梁口人性淳厚寡言笑龔其封翁執齋腴產賑貸以蘇貧困初執齋歿所存債券約萬餘金谷春召負者至告之曰吾爲若等周全願還約券以彰

義甯州志

卷之二十六

人物志善士下

五

先人之義負者喜謝拜而去嘗捐金倡修泰鄉天馬塔印山書院落成復捐租田十畝以供膏火又建橋梁義渡立茶亭以利行人凡州中義舉皆隨時慷慨及病將歿檢篋中債券約數千金聚而焚之曰吾不欲益子孫過也以子

光緒職贈儒林郎

周大福字孔皆下武鄉田浦人幼失怙母羅氏守節州牧許萬玠旌以貞操冰潔大福撫弟順親析產讓弟多一倍爲人厚重端方凡善事必力行之乾隆丁未五月間新舊不接居民乏食大福減價平糶族中貧者計口給穀不索值鄉里宗族皆德之子太學秀升佃儻能繼父志

石萬川號東溟高鄉石家礪人淳厚質樸與弟騰捷祥友愛甚篤一門之內白髮怡怡子孫曾元五世同堂內外肅然萬川年九十五膺冠帶妻盧氏年九十二男婦二百餘人猶合爨傳餐五世同居子成玉太學生孫寶嘉慶甲子武榜亞魁曾孫韻清太學生凡遇義舉樂解囊仗助治家尤有法度農桑誦讀各有專業雅有義門之風

吳學成太學生仁鄉上源人好行善事州西燕子崖路十餘里甚崎嶇其沿河最險者路仄不踰尺上有絕壁頑石凸出礙肘下有陡岸百尺俯瞰深淵稍失足遂莫問已學成鳩工鑿山凡碍道巨石悉剗削之經營彌年累月俾十餘

義甯州志

卷之二十六

人物志善士下

六

里崎嶇夷爲坦途行者甚便之兄徒梁捐修梅店石礪姪儀賓亦於要津修橋兄弟叔姪家非巨富橋梁道路隨處捐修不可枚舉所費不下數千金而道旁不豎三尺之碑並不求當事一字之獎其諸好善而不好名者與

以上甲申志

龔裕字敬西安平鄉人幼聰穎過目成誦及長工舉業補弟子員性剛正而好義處宗族鄉黨不爲耍媀齷齪之習自奉儉樸遇公事揮金贊成無少恹晚年以足疾停試援例入明經著有非田文稿其子綱入州庠亦端方自持克承

父志

涂顯經字天緯安鄉平田人性慈祥貧乏有求到門輒應處

宗族鄉黨間詞色溫柔人皆親之若昆季年七十從無一字入公門臨終呼子孫囑之曰甯人欺我毋我欺人汝曹識之其子鄉飲錫齡亦能排紛難好施與垂老唯諄諄然以讀書積德爲後人訓

李慕德字念劬號甫原奉鄉龍坪人太學生生平慷慨有大志凡宗族鄉城義舉如浮橋文塔宗祠義倉悉解囊欲助無吝色至於培土風植倫紀所得爲未嘗不爲爲之未嘗不盡意思中人愛而敬之呈請張太守額 贈樂善延年四川提督額 贈天錫達尊以姪崑貴 賜封武義都尉徐湖字鎮居號蘇溪高市人生平渾金樸玉善氣迎人取與

義甯州志

卷之二十六

人物志善士下

七

一介不苟少習舉業工書畫負才困躓遂幡然改曰大丈夫不爲良相便爲良醫自了漢吾不爲也研究靈樞素問諸書久之於旨大得求診填門湖有問輒應雖隆寒盛暑不辭富不索貧病醫而藥之每歲端午按天時製備丸散數種分俵驛亭以濟危急乾隆庚戌辛亥道光庚寅辛卯數年城中均大疫湖不待延請沿街省視活斃者幾數千人州人至今頌之壽八十八

胡湧源字亦班號白岷州庠生鄉飲介賓帶溪人淹通經史長於吟咏酷得香山神味型方訓俗有陳太邨王彥方之風城鄉諸義舉繼父鵬亭志益張大之於祠寢祀典以事

關根本倍費經營壽入秩州牧曾暉春額旌達尊備隆著有白崖樓耕樂集以孫樹椿職贈文林郎

胡濟源字錫三號峽舫乾隆庚寅科武舉揀選衛千總充鄉飲正賓性好善鄉舉後猶喜讀書以勵後進嘉慶己巳大荒升米百錢權設典以濟饑乏不計息貲鄉鄰德之重修祖墓旋捐田租四十石舉行祠祭其裔又遵遺命捐田租數十餘石以爲合族賓興士林嘉賴以子蘭官贈修職郎樊居敬字子簡仁鄉人少貧無以養親乃屬兒服侍自營什一奉甘旨兄歿歸耕益勤家小康乾隆初歲屢豐穀賤如土居敬增困儲蓄丙子饑道殣相望減值散三千餘石鄉

義甯州志

卷之二十六

人物志善士下

八

人賴焉中年無子爲善彌篤一切架橋施纊瘞駭賑貧素封或難之居敬任之獨力年五十連舉五子洎八十有三孫正任中王子副車

胡郁章字勉之號經圃州庠生武鄉帶溪人性磊落好施與大宗小宗祀產捐助倡興道光間連歲大荒饑民載道郁設法接濟境賴以安其子千戶桂攀太學桂馥桂林俱有父風於宗族城鄉書院賓興義田漏澤園諸義舉悉捐產助金無吝色咸豐六年賊踞城捐重資爲義旅倡兵燹後修復城垣衙署文廟均與力焉人稱善繼善述云

胡應辰字列宿號星垣州同知鄉飲介賓武鄉帶溪人慷慨



好義道光十五年州建義倉捐穀伍百石助之十九年因公投城目擊南崖渡浮橋損壞行旅病涉捐錢壹千壹百吊添修他如鄉族神祖祀典及橋梁道路賓興各義舉靡不解囊勸助無吝情亦無德色壽七旬州人士呈請文宗張文毅公給以樂善駐年匾額

胡揚鯤字職恭號躍川州庠生帶溪人性剛毅繼祖父樂善之風周貧恤乏見義必爲道光十五年州建義倉捐穀三百石助之居恒憫念孤貧病歿不能殮葬者偕姪振家施榘及碑又邀集同志合買漏澤園以安厝之數十餘年無少懈向艱於嗣六十餘生子成立人稱天之報施不爽云

義甯州志

卷之二十六

人物志善士下

九

胡景星字靜甫號唐階州同知武鄉帶溪人生平溫厚和平與人無忤卹貧周乏樂義行仁凡祖父鄉城善舉悉繼述而恢張之如本都永安橋及州鄉賢祠必飭其子振家振翼重新修葺無墜先志本里鎮興書院乃祖鎮齋修建星率諸季獻爲合族賓興館復捐金付公創產善後他如祠祀義田書院衙署城工軍需以至施藥榘建漏澤修孤塚靡不孜孜爲之解脫多金如一蹤壽八十二無疾而終戴承禮號肅齋州同職武鄉黃毘人生平好善樂施捐修州西梁塘大路下武滸口大路銅鼓港下大路稗洞石梁用費約數千金州憲會紀其事勒諸石壽八十有三無疾而

終

王道隆字壽春號雲亭奉鄉江頭人太學生沉毅有識量不屑屑治生計親兄有子居城業不善兄不樂與居與隆言隆留之家十餘載親愛無間生養死葬悉任之其子不顧亦勿計也宗祠地卑濕議移不果隆毅然獨任率同志庀材鳩工迄三載而功成資斧自備不染公費祠前渡舊造木橋屢修屢廢隆與姪更造石梁行人便之歲饑籍計戶口倡衆發廩碾米平糶雖饑饉頻仍人無困乏居恆善排解鄉曲有忿爭者隆片語指陳卽頽夫悍婦皆懾服而退卒年七十餘

義甯州志

卷之二十六

人物志善士下

十一

張光大字輝斗號魁垣奉鄉湖山人少讀書不遇援例授太學生工書法臨摹鍾王各大家皆得神髓其劈窠大字筆力更遒勁遠近士大夫爭購之性樂施濟遇清明則倩工持畚鍤修孤塚歲以爲常平居正襟危坐或撫琴玩帖或焚香讀書俗塵不染望之若仙道光六年舉鄉賓年七十入無疾而卒卒時爐香燄發醜榻滿庭人以爲證果云傳作梅號變心州庠生泰鄉三都市人性剛正學以務本爲宗先人祠墓少有缺陷輒引爲己咎經營締造務就乃安道光間刺史周重其品學幣聘主講作梅以督修宗祠卻弗就三都素多狡豎餌物漁財釀爲風俗作梅出一紙禁

之境內肅然樵夫牧子間憇市旁有好戲弄者必相誠曰  
怕傅先生來嘗閒坐酒肆游手徵逐之徒望見頰髯戟張  
輒不敢入肆中酒值十去七八授徒數十年文章行誼多  
所成就卽久離門墻舉動有踰禮法呼而扑之壽七十有  
七自少至老從不以一字入公門人亦無敢以公門事干  
請者著有梅花吟蓮花百韻行世

丁邦澍字應時號濟逢西鄉路口人世業農積粟數千石歲  
饑減價平糶好行義舉性渾含鄰縱牛蹊其禾澍餵以草  
時有猾垂涎多金橫逆相加澍寘弗較猾終愧服其德量  
徃徃類此

義甯州志

卷之二十六

人物志善士下

七

戴耀遠號施圃安鄉懷遠都人性慈良曾寓潯湯遇荒出穀  
數百石以濟饑民憫其地貧病無措每歲額出錢貳拾千  
文製給丸藥活人無算潯人德之回甯後尤孜孜以積善  
爲務卽送善書買物放生歲以爲常與弟耀文三修毛竹  
山路前後費數百緡學憲張 額旌敦善引年卒年九十

一

徐夢齡字明益號壽山泰鄉七都人性敦樸飲食衣履無世  
俗浮囂氣平居待人接物從無睚眦之銜橫逆卒加不以  
爲意於貧乏時加任卹糶穀必給滿斛歲荒減價濟之至  
於橋梁道路賓興諸善舉尤有不勝僂指者歲杪誠子弟

無問貧債曰彼必力不足耳不然人孰不欲博耿介之名  
哉無爲已甚也年老遇賓朋姻婭益煦煦如慈嫗至今里  
中人不能有毫末訾議云年八十三無疾而卒

盧人龍字谷松號信堂監生仁鄉人以勤儉起家城鄉義舉  
無不量力欣助遇凶歲減價平糶無德色至今鄉黨頌之  
胡在田字廷諭號雲泉西鄉泰清人恩貢生性介直有幹濟  
才遇事能斷奸行義舉三舉鄉飲正賓姪其泰道光丙午  
科舉人品行學問粹然一出於正惜不永年著有璞全文  
稿

樊洛字恂彝仁鄉人父正儒究心濂洛之學闢螺園精舍子

義甯州志

卷之二十六

人物志善士下

三

弟多所成就洛不工舉業好讀果報方藥書家不中貲大  
斗平糶歲以爲常大橋故吳楚通衢且圯而董修之宅近  
路渴茶病藥殮楷嘗取給焉族某無子死入嗣復歿洛更  
爲覓族子承其祧壬寅饑偷兒十數劫倉粟且覺不問有  
感愧改行者生平大布粗糲嘗銘座右貪於取不如廉於  
用私於已不如利於物此可想其志趣卒年七十七

張若梁號海門奉鄉人性渾噩與人無忤自奉甚樸時人窘  
急唯力之不及是懼佃租不刻額數負欠者過時不復追  
問糶穀斗斛滿給囑丁男守此以爲常他如城堡橋渡賓  
興祀典俱慷慨捐金成之壽八十二彌留時猶撥田租三

十石付族祠又捐三十石助書院蓋爲善日不足云  
榮懷瀚字國卿號海門奉鄉人幼穎敏讀書過目成誦父錫  
鵬仕浙瀚在家從長兄進士懷藻學力矯富貴習氣弱冠  
補弟子員往浙省親父諳諳以古大儒相責望瀚聞命爲  
學益篤鑿戰棘闈屢薦不售嗣父告病回里躬侍湯藥未  
嘗遽離及卒祭葬盡禮兄疾廢體恤周摯弟之官湖南捩  
擋家政不私一錢撫諸姪如己子愛勞兼至見貧者艱於  
食每年冬儲穀數百石以備借貸或減價平糶率以爲常  
里黨有爭訟力爲排解傾囊金無少吝族某與張姓結巨  
訟兩造皆繫獄出白金數十兩爲釋其事里中磔裏路最

義甯州志

卷之二十六

人物志善士下

三

險名鐵門棧費金數百修之甲寅粵匪逼近州辦防堵助  
金數百兩乙卯賊撲城命弟帶兵救援時族中老幼欲逃  
避而缺貲者酌量給之保全無算寇退旋里家中耗穀百  
數十石其子欲鳴之官瀚曰吾積此原爲貧者計今必貧  
者得之又何較焉歲辛亥

文宗顯皇帝御極詔直省有司舉報孝廉方正州牧葉舉瀚應  
詔逾年卒未獲見用鄉里惜之

樊正秋號香輪字桂林仁鄉鄉賓初以勤生致饒裕年五十  
子繼甫生稍長課讀綦嚴弱冠游諸名師門正秋老彌健  
不以家事委子自操權算贏輒以濟人凡城鄉義舉樂施

無恇情亦無德色年八十六無疾卒子繼甫授布理問職  
樊義成字次厚仁鄉大橋人少負奇氣不甚讀書談論輒與  
古會性端厚有長者風嘗與族某賈分財不較人益重之  
產僅中人慨然捐田若干爲祖先祭掃費他義舉稱是道  
光間舉鄉賓

周國選崇鄉官溪人好善樂施所居之樓前有支流爲高崇  
通衢命其子守貞利賓捐建高升橋費緡六百餘金復立  
養元家墅延四方名師以課諸子州建鳳巘書院捐緡百  
千資生童膏火守貞從九品利賓同知銜

梁東林字紹祈崇鄉官溪人少習舉業未售援例授九品生

義甯州志

卷之二十六

人物志善士下

古

平剛方好義道光二十二年崇陽寇起捐資團練防扼各  
險咸豐四五年粵匪寇州城率次子督勇勦禦陣亡州建  
書院及羅段獨峯石橋東岳寺萬壽宮率出重金爲倡黃  
沙鐵堰二渡及赤土嶺橋梁並捐租助之長子元珍縣丞  
職三子元森例貢

梁庭槐字紹蘇號眉山崇鄉官溪人城工議叙九品道光廿  
六年歲比不登餓莩徧野盡以貯穀貸貧者境賴以安廿  
七年歲又饑貯穀不繼舟運他郡減價平糶咸豐四年辦  
團勦賊接濟軍需他如捐建黃沙坑花雨洲各處橋渡皆  
不惜重資年八十九子孫曾元五世同堂

周家傑號蔚臣州增貢生下崇烏龍灣人少負奇姿年十四始習舉業日誦數千言爲名宿所推賞屢薦未售遂恣情山水築元林別墅於廬東灌溉花木自號半園居士教人先禮義每開講筵必陳說忠孝廉節數大端生平不近聲色不苟言笑爲文尚雅正詩宗白香山逸氣飄然事祖母盧以孝聞盧年九十六視膳問寢從無少間丁父艱號痛幾絕與兄成高友愛有餽遺必與同食性恬靜不涉外事惟倡修本族義學團練防堵方受任卒年六十一門下士變服跣足如喪父母者數十人

周黼字玉泰號濟西崇鄉溪口人太學生性剛直言笑不苟

義甯州志

卷之二十六

人物志善士下

五

幼讀書頗明大義家素封沒泊如貧家子遇公事率慷慨無難色咸豐四年團練經費竭力仗助平時修理橋路往往脫金爲衆倡鄉人義之卒年七十九

朱祥字育萬號履堂武鄉懷遠都人咸豐乙卯粵匪撲州城都人議募兵械援祥立籌餼餉不計獎叙自是師旅頻仍捐墊不下千數百歲饑減價平糶境賴以安遇親故尤厚時其匱乏從無怙色有昏喪不能舉者稱貸輒應償否不問也佗如書院賓興城垣義學官祠諸捐項持券到門無不如其意以去卒之日聞者太息

邛芬字澗春號香洲武鄉懷遠都人少業儒屢試不偶援例

貢成均嘉慶丁卯知州周倡修州城屬芬專督西門無浮費無冗工事歲額贈桑梓賢勞道光初州修考棚及志乘芬爲懷遠首倡措捐輸籌工料均與力焉乙未州建義倉芬與監督經營相度歲餘乃成知州雷嘉其廉明額贈賢勞義舉復請於太守給輸誠助義四字獎之他如修橋路設茶亭建寺祠排紛難凡事關大義者莫不傾貲出力爲鄉閭先生平恂恂守禮法言動起居無世俗輕猥狀沒世後猶稱道不衰云

莫與京字榮新號殷盤太學生武鄉漫江人性耿介不阿世好年六旬舉鄉飲介賓都人士贈耆德受社額咸豐四年

義甯州志

卷之二十六

人物志善士下

志

賊蹂躪山口市二典擄掠一空已而贖典者率持票踞謹有乘風滋事之勢與京聞知親赴市剴切開導數千人立時散去乙卯賊踞州城率子國學生耀金募援數次籌餉籌軍士飽馬騰是歲賊不敢犯境事平州牧郭毓龍贈好義同心額壽八十四卒子耀金以軍功獎叙八品

陳毓璵字賜勲號簡軒州治鳳山人太學生性剛方廉明居城市數十載足不履公庭州人士知其有隱德焉子三長鴻緒屢試不售援例授從九職續修本州文廟倡設合族賓興均著勞蹟咸豐間勦賊有功當事疊次獎勵次三均克自樹立



黃錦乾富塘人生平儉積起家遇義舉輒慷慨不吝道光間  
乾年七十餘鄰有因貧鬻妻者錦推膳資全之至今子孫  
昌盛人咸詡爲善之報云

溫豐字亨如附貢生八品銜武鄉懷遠都人生平讀書自立  
公正居心凡州中考棚義倉書院賓興城垣橋渡諸公事  
無不竭力贊成而後已他如鄉鄰有紛難排解之歲時有  
困乏賙恤之積逋不能償者取其券焚之其志行不私已  
有期於及物類如此年八旬知州郭毓龍贈以洛社遺徽  
額

張問明字旭蒼奉鄉湖山人由州庠捐州同職父約干募義

義甯州志

卷之二十六

人物志善士下

一

急公好施藥榷修祀典治橋道問明皆踵行之他如州治  
考棚城垣書院義倉皆捐助無少吝道光辛卯大饑出穀  
千餘石減值接濟遠近賴焉歲大疫醫藥救治全活無算  
年七十卒行路感泣子甸綬字垂三號繡穀例授布理問  
性篤於孝母老哽噎綬爲廢餐甲寅奉母避亂山谷賊至  
綬扶持唯謹賊竟不犯人以爲孝德所感云

張寶書字典儲號石渠奉鄉湖山人太學生性至孝母蚤逝  
事繼母如生母人無間言祖父四世施棺木賙困窮寶書  
繼述而充大之生平通醫學聞病輒往診力不能備藥者  
爲之代謀憫溺女多迫於貧偕昆季子姪聯季育之全活

無算鄰里以爲孝友若寶書其人者世宙也

數觀

廖宜軒字月彬奉鄉懷遠都人性慈良通醫學生平恨無大  
功於世獨醫術可以濟人於是家常儲葯遇急予之聞親  
友有疾病寒暑往診愈不計貲鄉里訟爭排解乃已卽費  
錢毫無德色廩粟頗有奇羨歲饑價涌長宜軒從未有取  
盈其數者卒年八十

胡夢翼歲貢生博通經史平居好善樂義雅爲士林推重從  
弟夢驥增貢生性渾噩家貧不苟取嘗以忠孝節義修身  
立命訓人好拯急難從不計一陰私著有崇德編及樂善

義甯州志

卷之二十六

人物志善士下

二

要言卒年八十二

壽翁陳朝清號德門武鄉懷遠都人孝友忠厚出自性成少  
失怙事母至九十餘齡無少拂愛弟姪輩過於衣食給  
予大有分甘讓肥風生平自奉甚約而修橋道焚貧券禮  
師儒培文教往往脫多金無恡色道光間助建州屬奎光  
梯雲兩書院至鄰境義塾如萬載之高魁瀏陽之洞溪亦  
皆捐貲成之治家守常法子弟有逐末趨時好者懲艾無  
稍貸卽至侍儲浸厚孫兒獲科名而一門內外服食供具  
泊如也孫文鳳領咸豐辛亥鄉薦乙丑登進士官松溪有  
政聲人謂淵源有自云

王中吉字映林號春軒奉鄉水碧源人幼習舉業援例入國學加州同職生平慈仁寬忍處家庭骨肉讓財推產人無間言里中有急難求無不應寒者衣之死者棺之歲饑以錢穀貸貧乏力不能償者焚券數百於先哲格言時鏤板印送不惜多金遇一切非意事輒曰昔人有言不讓今人是無量吾何校焉自咸豐甲寅後以軍費頻仍窘於財乙卯賊踞城聞官軍至卽命子慶春稱貸捐助聞者壯之

吳惟德號潤圃仁鄉慎坊人職員生平好善樂施遇荒歉輒減價平糶凡鄉里義舉無不慷慨捐貲成之子二均篤於孝咸豐五年流寇入境惟德被擒不屈二子捐軀以赴易

義甯州志

卷之二十六

人物志善士下

三

其父歸後卒獲全

朱學中字澄源號一齋仁鄉上衫人太學生議叙八品生平不苟言笑循分惟謹家益裕好善益篤敬宗收族拯災恤鄰無不稱其力以相與每歲祿出穀數千石減價十之三四來糶者渴茶饑糜無德色至今遠近頌之子三長延禧次延年次延薪於仁義書院賓興義倉育嬰渣津福星橋鳳巖書院諸義舉皆捐重貲克繼父志

朱延禧字昺夫號凝之仁鄉上衫人大學生城工議叙八品軍功保舉翰林院待詔加五品銜性孝友多才智鄉里紛爭或得一言而冰釋咸豐四年二月賊始入境延禧與弟

延年延薪往渣市生擒賊數十人嗣賊勢寢盛延禧首倡  
團練自備軍裝糧餉所費不下數千金賊怒大股突入焚  
延禧兄弟房屋百餘間延禧不之悔團防益力上衫鄰平  
邑觀察張岳齡等造其家商推軍情互相策應生平遇公  
輒急凡城鄉諸義舉倡其事助以資者尤不可枚舉卒年  
七十有一

傅南軒泰鄉三都人勤儉立家聚而能散遇義舉雖捐重貲  
弗惜道光庚子命子太學生啟沃建立本埠義渡旋捐田  
租拾担零七斗豫租錢陸吊文爲每歲舟子工食越後更  
立浮橋租仍撥之同治壬戌妻黃氏八袞不允稱觴命孫  
振翼捐土名均頭壠背秋地數畝爲義山以瘞旅魂州牧  
田額旌積善延齡

義甯州志

卷之二十六

人物志善士下

四

陳奉珪字葦之號植園高鄉燠衣人由國學授州同銜復舉  
鄉飲嘉慶六年州西跨鰲橋冲圯獨力捐修刺史陳秋河  
撰記嗣橋傾兩次仍爲修葺辛卯水患饑荒粒米如玉珪  
減價平糶盡力接濟貧民全活甚衆鄉鄰擬呈請獎珪力  
辭乃止生平好善樂施州里一切義舉多賴之

李文婉字達三高鄉雙郵人好善樂施嘗捐修雙郵橋黃石  
陂橋下杭渡黎埠港渡皆獨任之遇窮困解衣推食助醫  
藥施棺衾稱貸不計子母有不能償者焚其券常以培心

地廣福田爲後嗣訓年七十餘不疾而卒

陳和字應衡號宿垣安鄉十四都懷遠人性聰穎通經史爲文有大家風州郡試冠軍者再三屢取脩生不售遂留心岐黃尤精救急法嘗兩遇自經者氣絕依法救之立活醫還斃屍無算從不索謝某歲道經新吳途中拾一囊啟視之乃白金數十兩持候道旁久之失金者至盡取還其人解數兩以謝堅不受聞者嘉歎卒年八十五

龔順字如玉號簡堂安鄉源頭人太學生素仗義急公於白茅洲倡立祖祠獨力捐建州城東試館贖金三百與修文塔他如學官西廡皆竭力成之舉鄉飲介賓

義甯州志

卷之二十六

人物志善士下

五

桂學信字君實號篤齋西鄉人幼聰穎博通經史放情山水吟咏自適嘗客遊鄂渚聞鄰媪哭甚哀詢之則其子負債索逋甚急將鬻妻以償學信慨予數十金不告姓名而別州明倫堂及里中梁路諸善舉慷慨仗助無吝色晚年手書忠厚傳家於門楣囑後人世守勿替著有焚餘草詩集二卷

鄭明新號德門安鄉箔竹人性好善家無餘儲急人患苦若身受然一切祠墓宗譜道路橋梁必竭力襄成之平生以至誠待人鄰里有忿爭者得明新一言而解人咸服其公正如此年八十三卒

陳庭瑞字潤耕號訪巢崇鄉遠溪人舉鄉飲性端直不喜言笑父早喪事母以孝聞晨昏定省依依如孺子狀生平好讀書手鈔詩文盈尺座右嘗置五種遺規及楊椒山遺訓兩書不時講說有孫孩時就塾里人囑賸訟詞歸告之怒甚曰我祖父累世忠厚從無一字入公門汝輩讀書須知惜福何爲爲此促令取還焚之家不甚豐於文廟賓興祖塋家乘橋梁義渡諸善舉悉傾囊仗助無吝色年七旬卒鄰族哀之

戴五雲諱立鳳號螺石崇鄉馬市人生平易直子諒遇歲歉輒買粟濟人又念急難措手因獨力買穀四百餘石建倉

義甯州志

卷之二十六

人物志善士下

六

備之於族誼尤篤厚不斤斤以遺產爲子孫計晚年好游山水所至動多吟咏自彙其稿曰螺石吟

龔紳字遇賢創軒其號也居安鄉之東莊性篤孝甫十齡定省問視如禮親沒勺水不入口者數日遇荒歉減價周急辛卯歲大饑出穀數千石平糶濟之他如捐義穀以贍族衆傾囊金以修橋路輸租息以助書院設義學以課孫兒慷慨之風至今稱道弗衰云

龔煥章安鄉人廣文星之子也太學生保舉六品職銜性好善歲歉減價平糶道光辛卯大水饑民塞道煥章給米不索價疫繼作復施丸藥全活無算咸豐三年逆匪犯境捐

資倡團五年城陷賊紛紛四出煥章招勇堵禦大灣山賊不敢入境賴以安城復知州郭札飭按米助勇煥章力肩其任不辭勞瘁至今鄉里以爲罕有其人云

張華圃字苑東武鄉正村人舉鄉飲生平好義急公遇歲歉必減價平糶以蘇貧困鄉里德之年九旬族人將爲公壽公弗許因度所費若干置田租數十石于本里建衍慶渡用資利濟至其他義舉尤有不勝書者

林汁青號柳溪安鄉十一都懷遠人太學生議叙八品職銜自幼工舉業鄉閭屢薦未售生平好義急公州建義倉竭力贊襄倡修梯雲書院於一切修金膏火事宜調度井然

義甯州志

卷之二十六

人物志善士下

七

士林欽仰他如南坪東埠橋路南崖湘竹義渡諸美舉無不捐貲出力縱與圖成

黃光瑞字萬達泰鄉懷遠都人性伉爽能明大義嘉慶三年土匪倡亂光瑞督率鄉勇防守要隘助餉貳千金有奇知州劉額贈義勇可風四字他如城工義倉橋梁道路諸捐助尤有不勝指數者

陳承龍號片玉增貢生生平膽識過人慷慨慕義一友以歲試悞罹法網同人束手承龍獨爲力白其寃其先世塚爲匪人侵占聞承龍誓不與尺寸輒還之歲歉倡捐賑飢全活甚衆遇孤貧喪施樁以千計鄉鄰有爭折服如廷斷不

使鳴於官有司常推重之以勵風俗他如祠宇祀田倉儲學校諸義舉靡不縱臾從事唯恐不及晚年閉關著書課孫自娛嘗自題其櫬云仍是舊書生卒年七十有一其子松齡亦讀書自愛克紹父風

戴寶三號石莊武鄉人都司職秉性剛直好行善事捐資新鑿吳楚通衢修理澣口嚴家墩等處大路鼎建家廟倡設書院賓興義倉咸豐間粵匪竄擾率其二子督勇防禦均死於陣年七十餘卒

黃濟霖字顯業號甘泉安鄉人太學生富於財遇利濟事不肯狹隘摩擗歲歉轉運接濟減價平糶貧者稱貸不責償

義甯州志

卷之二十六

人物志善士下

八

道光間洪水氾濫大荒里中某某以餓乏鬻妻霖呼而止之均取穀與之去霖曰是皆無備故也因出穀數百餘石捐建義倉以拯饑饉孤貧無葬地霖惻然爲置漏澤園無主古墓翳而圯者累土封之咸豐間粵匪逼境輸金倡團五年賊屠城逸出者多裸身無資纍纍道路霖與之衣食給以錢病者醫而藥之全活不可數佗如里屬永濟黃源口蝦蟆湖鍋蓬里半步坑破石下等處橋梁馬頭崙閣臺山山口等處道路以至祠宇宮殿或獨力修建或捐金贊成悉慷慨無吝色知州郭慕其懿行額贈樂善好施四字旌其門子三旭早岐均克繼父志



余鳳振字居寬號翥軒安鄉楊林人素急公力爲善州治葺學宮西廡濂山書院輸金恐後乾隆戊戌丁未歲大饑籍衆口處分勸貸平糶鄉里多所濟萬文恪公爲紀其德嘉慶戊午教匪起事官軍進勦鳳振發稟助饒蔡太守守義之垂老囑遺田租二十石以獎子孫入泮者可以見其志云  
壽八十四

蕭光前字德昭號達齋安鄉人太學生舉鄉賓年旣壯弃舉子業理家政同居八十餘人內外肅穆建塾延師教誨子弟規制廓如性正直而好義里人以不平走訴立爲剖決鳴官者十無一二道光間倡修州志及州城考棚浮橋義

義甯州志

卷之二十六

人物志善士下

九

渡諸善舉光前脫金無少吝他如本里永濟橋閣臺山路悉加意修理籌畫善後至今行人便之年六十四卒

陳大鯤字德孚號海潛高鄉良塘人例貢生少失怙事孀母嚴氏曲承歡心性儉約而好施獨力捐建文廟內 聖訓亭城垣犀津義渡義倉文塔考棚育嬰堂及省中貢院湖溝書院本族宗祠義學歲飢施族人谷數千石佗如道路橋梁院宇諸善舉靡不慷慨捐輸咸豐間西匪竄擾前後捐餉不下數千緡以子玉章官訓導封修職郎

黃榜字雲階號月灣犀津人文節公二十三世孫廕襲祀生國柱之四子也性聰穎善屬文屢冠曹偶壯歲以上舍應

鄉試五薦不售遂沒於營進嘗於犀津建文節公崇祠並  
倡建會垣黃祠凡祖先邨墓祀產及里中橋梁義舉竭力  
經營不少貸捐丁田里舖地拓新關趙殿廟宇文節公集  
久乏善本  
乾隆乙酉率同志緝香堂編刻山谷全書他如賑貧濟急  
尤緒餘耳卒年九十

徐洲字聚川號兩水崇鄉雷潭坑人性耿介不與世浮沉幼  
習舉子業未售遂精岐黃楊曾秘奧家中貲好施舍人有  
疾厄藥而醫之不圖報里中孤貧解衣推食毫無德色佗  
如橋路賓興軍需防堵城垣考棚諸義舉捐金不下數千  
金家居以課讀爲本尊師重道悉出至誠卒年四十八

義甯州志

卷之二十六

人物志善士下

十

黃華宣高鄉人秉性忠厚勤儉訓家一介不輕取人壽九十  
六鄉人共推爲長者子六均能恪遵父訓其弟六子意遠  
尤屬荀氏慈明壽亦九十六至今曾元蔚起共稱善報云  
鄭化南號吾里安鄉箔竹人學問淹博潛心經史尤工吟咏  
治家有方守祖宗法以施濟爲心人咸以善士稱之

余自塔字于庭西鄉上源人樂善好施嘗積穀萬石入則置  
木齋斛內出則去之獨力捐建崇鄉司前步岡橋費白金  
數千奇大礪爲吳楚通衢甚崎嶇雇工鏟鑿十里許如履  
平地子僑範布經歷孫慎初太學生克承先志敦善不怠

云

張志敏仁鄉台庄人業儒好施予館穀所餘輒以分濟里之貧乏者子四均克承父風歲凶出粟平糶不足日遣數百人運於楚南以濟之他如鄉之義塾州之城工皆慷慨樂捐咸豐間軍事頻仍輸餉常脫數百金無吝色

許膺泰號康亭奉鄉人太學生質直好義度量寬宏鄉里有忿爭慷慨面折歲凶出穀拯濟全活不數百人有以土田毗界藉越百數十丈者泰不與校佃夫額租雖歲不甚歉不必取盈至今鄉鄰頌之

許廷揚字雄萬號玉階奉鄉人讀書未售援例入太學生平重道隆師嘗設先達木主於堂朝夕供養以志尊崇性嚴

義甯州志

卷之二十六

人物志善士下

七

正不爲嬰媿齷之習鄰族有爭端揚必已之至於倡修橋梁道路祖祠神殿其義舉尤有不勝僂指者

鍾振廷崇鄉懷遠都人世居閩家無立錫年十八奉父徙甯竭力躬耕以供甘旨遂創業於崇之駱駝坪不數年而稱巨室焉性慷慨凡事關義舉文教者出重貲不少吝鄉里義之

龔近禮字惠宣號甘泉安鄉人例貢生生平急公尚義以城工議叙八品以軍功保舉五品銜道光辛卯歲大饑減值接濟咸豐乙卯州城陷被傷逸出者給藥醫之他如培文教平道路焚貧券諸美行尙多可述云

徐肇琴字鳳彩號瑞軒高市人監生舉鄉飲介賓生平好義  
急公樂善不倦助修文塔城垣無少吝捨藥施楫到門輒  
應貧者德之其他義舉不可勝數刺史周玉衡曾給匾旌  
其間年八十卒合城赴弔痛失老成子慶齡貢成均亦有  
父風

盧崇字拜丹號紫階仁鄉人太學生性渾厚好善尙義歲貯  
租息鄰里殷戶增價出糶崇不與競迨價昂時獨減十之  
一二人皆頌之以子浴清布經職 馳贈修職郎

熊用中號九逢仁鄉塘堰人家貧力善嘗挈眷游省垣衣食  
僅自給遇無告者輒周濟不稍吝它若建祖祠修礮路皆

義甯州志

卷之二十六

人物志善士下

三

捐貲贊成之以子鍾秀藍翎守備 誥贈武畧騎尉

戴以頌字省忠太學生崇鄉楊洲頭人少篤學與親弟州庠  
生延藻同窻十餘載最友愛日以諸大家文相揣摩晚精  
岐黃所活甚衆不受謝貧者助以藥貲同治元年以本里  
鮎魚嘴爲大椿枯源要津獨力捐建石橋行旅德之卒年  
七十有四

車盈秋諱寶善崇鄉人端方正直饒有古風遇善舉輒解囊  
無吝色同治二年四十七八都倡捐保嬰季竭力經營不  
憚寒暑里中尤嘖嘖稱道云

王光前崇鄉四十九都人性好施家不甚豐而有求必與凡

鄉里造橋修道必出重貲以成之事父母尤能曲盡子道不失色養焉

帥志揚太學生崇鄉四十九都人家頗裕與姪楷栲楊輩積穀防飢遇歲歉鄰里告貸者與之無吝色自食粗糲晏如也州刺史甯聞之書恤鄰向義額旌其門

王德仁崇鄉四十九都人生而質樸幼失怙家極貧傭力謀食養孀母撫孩弟孝友並至中年家道浸興凡鄉中橋梁道路諸善果無不慷慨捐貲以爲倡年八十六無疾而逝徐元勳字懷民號立德仁鄉人布經歷幼孤事母孝性嗜讀書不忍以家政勞母遂廢學經營生計久之家大起乃開

義甯州志

卷之二十六

人物志善士下

三

典渣市曰吾非斤斤謀利也亦以應人不時之需耳生平好善樂施於書院考棚橋渡道途諸義舉往往捐產揮金成之咸豐甲寅典被匪焚其子若孫曰吾先人設典意在濟急也今貧民衣服什物焚燬一空其何以堪遂出萬金賙之蓋亦不忘遺訓云

鄭達初號碧瀾安平鄉人性慷慨好義修境屬橋道以利往來歲歉率先捐穀爲衆勸人咸德之素行公直數爲鄉里排解爭忿終其身無訟於官者年六十四卒

黃維新字美章號斐圖泰鄉七都懷遠武舉早歲通經史能文章及長明大義城工義倉義渡演武亭育嬰季文昌宮

皆捐金倡首不少各鄉人頌之

朱墀字映丹號以奏仁鄉人性仁厚儉樸成家歲計有餘悉捐修橋梁道路躬督工匠持畚鍤剪荆棘除瓦石至老不倦鄉里頌之年七十餘卒

冷際春字建毫號谷軒仁鄉人太學生家素饒好行義舉尤好培文教自創高鄉楊坊墩均背等處田庄穀租百餘石爲後嗣書香計年四十疾篤時囑其子後世入泮者予以收租一年中鄉試者收租二年由此上進按數遞增其子梅佳梅信梅玉梅滋梅先恪遵父命俱能繼志述事人皆謂際春貽謀之遠云以孫柏貞授都司職馳贈武翼都尉

義甯州志

卷之二十六

人物志善士下

古

劉竹溪諱飛熊字秩斯從九職高鄉人性慷慨急公遇饑饉多方設法賑濟里中道路橋梁倡修不倦族戚有平事得一言靡不排解鄉黨咸信服之

盧壽元字秋茂號龍溪崇鄉人生平崇本力田有從姪某貧困無依撫如己出無子者並爲立繼族祖塚湫隘購地以護之凡諸義舉無不慷慨捐輸垂老築家塾撥腴產爲教讀資年七十八無疾而終

童芸軒崇鄉人少通經史立志務遠大七子析爨遺存祭祀田若干學校田若干凡修宗祠譜牒及生童應試新貴喜貲諸費皆取給焉他如平道梁濟貧困里中猶有嘖嘖稱

道者子浴瀾入郡庠孫詠春際春象春並食餽咸豐間粵  
匪滋事均能慷慨自負志圖禦侮論者以爲好善之報云  
葉日初字旭芳武鄉懷遠都人道光辛卯壬辰間州大饑仰  
食者塞途沟沟欲變日初減價平糶籍口處分境內帖然  
紳耆稟請各憲獎以一鄉善士

太學生龔綸字省吾號瑩軒安鄉長茅厚澤人好讀書老年  
不倦性儉樸不斤斤爲身圖嘉慶戊午年歲饑減價平糶  
每石取十之一二道傍饑餓垂危者給粥起之其他橋路  
寺觀靡不捐金成就張太史額旌積善長齡年八十有二  
卒

義甯州志

卷之二十六

人物志善士下

五

胡雲昭武鄉帶溪人賦性渾厚制行端方生平廉儉自持獨  
勇於義舉如賓興城池橋梁道路悉慷慨倡捐不少吝且  
愛人以德待人以恕里黨被厥薰陶雖梗頑亦思改轍人  
欽其足維風化焉年七十九無疾而逝以子樹椿職

誥封文林郎

張廷賓字晞暘號露菴武鄉正村人性渾樸樂善好施道光  
十七年獨力捐建官橋並蟠龍橋甃石路數十丈辛卯壬  
辰游飢減價平糶設法賑濟道光二十九年山口修建義  
倉捐穀四百石他如城垣書院及族中諸義舉皆慷慨捐  
助梓里德之

樊鳳圖仁鄉人生平勤儉自矢持家有道身獲饒裕總以好善爲懷鄰里無忤宗族咸和其子孫蕃盛俱敢法守人以爲食報不爽云

鄭九山號炳南安鄉李村人國學生性耿直好行義舉鄉族貧乏者常仰賴之及病篤取借券焚之曰此訟端也毋貽後人爭耳里人至今猶樂道其事子餘歡別字芸生積學未遇援例入上舍亦慷慨賙恤有父風

徐芬號絢九仁鄉黃坊人優增生幼讀書卽知大義鄉闈屢不遇援例授按照磨旋沒病篤時繼姪亮欽爲嗣令捐田租數十石爲族中士子試卷之資族人賢之

義甯州志

卷二十六

人物志善士下

六

饒德馨號蘭石安鄉茅田人生平篤故舊重然諾居鄉慷慨人有過輒面斥有急難賙恤恐後雖食貧不吝也年六十九卒

萬承綸字奠平號玉舫安鄉長茅人幼聰穎讀書別具見解父劍成極鍾愛之長饒於庠教授生徒藉修脯以爲恆產然性好善鄉鄰有貧乏者常周賑之無德色或有不率者輒曰幸無令奠平先生知也其行誼服人如此

鄭寶蓮號碧藕安鄉箔竹人幼精醫得內經秘要病治者卽嚴寒盛暑輒往診視之貧則贈以錢藥愈後不受謝性尤好義歲暮恆出粟以周鄰里晚年家居五十餘口雍睦一



堂眼見四代嘗書百忍圖歌訓子孫人咸頌之壽七十九  
黃廷貴泰鄉七都人性孝友躬勤儉以蓄積致富生平好善  
不倦州修考棚城垣捐數百金建立義倉捐穀貳百石其  
他橋梁道路諸利濟事無不慷慨傾囊子四選達通進有  
父風後裔林立人文蔚起人以爲厚德之報云

袁體仁字曦午號小谷武鄉東潁人志行修潔平居儉以自  
奉遇義舉如橋梁道路動輒數百金無靳色值歲饑屢減  
價平糴鄉閭賴之父翰書六上春官司鐸金谿一切家政  
悉遵父命井井有條遵例捐教諭加同知銜選授樂安教  
諭訓諸生若子弟甫數月抱病羊城問疾者門不停踵年

義甯州志

卷二十六

人物志善士下

七

五十卒於官

車繼南諱習勅崇鄉四十七八都十甲墩人性慷慨好義明  
崇正時助餉賑飢有司請旌爲蓋鄉善士並授其二子冠帶  
冷采芸字松嵐號鶴牧仁鄉東臬人翰林院待詔性渾厚有  
寬廣和緩之度累世豐於財義倉義塚賓興書院諸義舉  
皆首倡解囊遇貧窮稱貸力不能償卽焚其券生平嗜學  
博覽無虛日題詠甚多著小洞山房詩集四卷庚午葺志  
乘極力採訪細心編校當事咸推重之年六十無疾終  
張九淵諱龍上武鄉楓溪人明時歲飢捐穀賑濟有司詳請  
賜以冠帶恩旌尙義

張素書字麗坤號杞橋奉鄉湖山人太學生性友愛事兄寶書飲食起居備極欵曲尤好施予遇凶歲減價平糶全活無算如修橋路捐團費猶善之緒餘耳

徐爾麟字獻功號芹香高鄉高城源人縣丞職銜幼讀書未遇性平易好施予里中貧乏必爲稱貸病者攜藥投之不取值咸豐間賊竄州境督辦鄉團晝夜防勦安堵無恙事平請獎力辭之不就和族鄰立家塾培孤塚修橋路力行善事人咸德之及卒聞者墮淚

石長齡字光奇武鄉田浦人性溫厚族鄰有爭和平排解橋

梁道路飲助襄成歲歉減價平糶道光甲辰舉膺鄉飲大賓延師課讀尤敬禮倍至長子松濤中道光甲辰科副車

義甯州志

卷之二十六

人物志善士下

六

咸豐戊午克復州城出力以訓導歸部選用孫慕卿入州庠今以詩書世其家

隱逸

宋

黃育字和叔茂宗子修口人爲兒童時伯氏長善將諸兒出遊天驛雨長善問諸兒日在而雨落翁與媪相撲此何等語和叔率爾對曰陰陽不諧耳長善大喜因命策和叔馬先諸兒和叔博記覽爲文辭立成性真率論事無所迴避稱獎子弟文行如出於己嘗試於有司不利遂不復出力田治生平居未嘗廢書著有文集子四公麟公虞公驥皆爲進士

山谷全書

黃癰字富善庠之弟皇祐進士好學尙氣節爲京兆法曹將

義甯州志

卷之二六

人物志隱逸

一

謁府賓吏告曰法曹例當拜庭下癰不可解冠裳於庭而去隱居芝臺書院終身不仕子準博洽工詩有雲樵居士集

胡安鼎字調元號傅巖胡敬方六世祖卽帶溪胡氏始遷祖宋治平間自吳仙里遷帶溪隱居樂道不求聞達愛山水之勝徜徉溪谷岩泉間弄月吟風怡然自得敦龐古處行誼高潔一時文人碩彥慕之宋神宗元豐七年蘇頴濱謫任筠州稅使長兄東坡由興國經分甯適弟遷所聞公名造廬信宿設詠歡洽臨別賦詩以贈其首章云帶水清泉水透中有高人自在居耳可洗兮齒可嗽今里有游蘇巷

見邑人余蝶莊集據胡氏譜補遺

元

熊晉孫字明夫高市人讀書尚志隱居教授嘗作梅花詩云  
平生不逐繁華景獨向嚴冬雪裡開時人以其有林和靖  
風致稱曰梅溪先生

余存庚字存耕縣里人銳志讀書子史百家皆窮究無遺築  
室設館爲鄉子弟師其教先孝弟忠信而後及經義工文  
尤長於詩一時高人文士皆與之遊終身不樂仕進而卒  
時克仁字志民別字橘樂武鄉澣口人自幼才識過人值元  
季擾攘轉遷港東來山爲避世計祭酒宋季安知其才堪

義甯州志

卷之二十六

人物志隱逸

二

大用薦於順帝詔曰朕奉天運恪守祖基惟以求賢圖治  
爲急且夫非賢無以輔導有德乃可致治爾時克仁博洽  
古今故典夙抱經濟宏才顧乃遜跡烟霞遊情山水朕慕  
高風每懷清概諒爾常存兼濟之心詎肯固執獨善之道  
須審行藏當知用舍茲遣官劉宗義特就爾居隆賜禮幣  
徵赴京師以資啟沃爾其惠肯勿辜朕望克仁終以疾辭  
三聘不起人稱聘君云

許榮茂字蔚林號涸巖奉鄉龍溪人學宗濂洛教人必切於  
倫常日用恥爲虛高元妙之談元至正十五年以弟子員  
選明經與薦辟命下之日得處州教授辭不就曰古人有

言配則牛也與被文繡入廟爲犧何如服軛以耕於野乎  
好讀易兼明數學預知元運將終遂閉門斂迹笑傲煙霞  
怡情詩酒及明定鼎詔求四方遺逸有勸先生出山者因  
自書六字聯於座曰爵位自天已定功名於我何加杜門  
屏俗陶然以終洪武四年州牧閻賡傳以紀之

據許氏譜  
補遺

明

時軫字允暘號漁逸武鄉澚口人髫年時飽蘊諸子百家成  
文猶夙構嘗曰大丈夫不能標名青史爲五斗折腰受衣  
冠纏束使足進趨趨口言囁嚅誠妾婦而鬚眉耳時披鶴  
氅衣乘款段馬遊名山大川以自適已而伐杉萬株作桴

義甯州志

卷之二十六

人物志隱逸

三

浮江而下賦詩云嫋嫋東風斷復聯沒黃楊柳帶輕烟汀  
沙對對忘機鳥飛狎波心范蠡船越三月抵杭州夜遇賊  
至縛軫置之叢棘中翼日御史蕭冰澗出巡過其地聞呼  
聲類鄉井停驂詢之則軫也急捕獲賊數十尸諸市金玉  
不可勝紀冰澗卽以遺軫軫曰此不義物也竟投諸河復  
攜之官舍以巡司典史行酒軫曰子以富貴驕人乎吾薄  
富貴不爲耳冰澗嘆服遊賞西湖命畫史繪爲圖遂鬻木  
歸築室東山吟詩撫琴以終日兩舉鄉賓卒年六十五  
周叔襄名贊自兒時服習庭訓治詩經後進師之多所成就  
爲人嚴毅方正不苟同於物舅氏爲人訟逮獄恐貽母憂

罄資囊爲解之自是家亦凋落衣粗布飯脫粟處做廬恬如也去家數武有園半畝梅數株花香月色酣詠忘形因號梅月軒卒年五十以子季麟貴累贈通議大夫都察院右副都御史

國朝

徐相號雲崖高市人事母至孝年十五與兄卿同游膠庠有聲場屋值兵燹遂絕意功名

國朝詔求隱逸張牧申詳上憲批云該生博學蜚聲孝友備著該州既有特達之知諸生共篤緇衣之好所當列名以備薦舉相矢志澗阿以吟咏課讀爲務年六十二無疾而卒

義甯州志

卷之二十六

人物志隱逸

四

子姪俱饒於庠

周必昌字雲譜別字清隱州治人有潔癖人比之米顛倪迂博極羣書擅鍾王楷法陳伯璣主盟騷壇熊雪堂龔芝麓皆下之築室東湖名飲醕亭昌與之遊嘗題詩云飲醕亭畔枕湖邊高士吟閒伴鶴眠好水好山來好友浩歌同泛採蓮船伯璣亟賞之嘗築清隱樓於犀津之上絕跡城市月夜焚香鼓琴過者無不知有高人在弟必偉字大宗號樸園與兄友愛甚篤皓首同居奉母終身以詩文酬唱爲娛

熊廷幹字貞夫郭城人天姿秀發藏書萬卷日以誦讀吟咏

爲事與給諫周希令孝廉王天發往來酬唱工書善畫樂

志林泉著性華草十卷順治辛丑卒

以上甲申志

熊偉文字憲周號谷人奉鄉郭城雪研猶子也少有雋才不求聞達遠長學養深純肆志詩古所爲詩皆觸目興懷境與情會視雕績花月流連光景者迥異一時名宿重之有寄張櫻檀詩云空林明月下顏色照蒼老以之增悲思生才豈草草名山期千載檢點篋中稿一觴復一吟暢叙開懷抱終朝涉閒趣別覺一意境蒙泉酌我廉介石盟我耿但嗟日月馳繩莫繫我頃瞬然天地間銘箴常自警可想見其負才勵節之概著有谷人詩集中書陳鶴鳴孝廉陳

義甯州志

卷之二十六

人物志隱逸

五

爾烈查望洋序而傳之

胡浣字廷笏號晴峯武鄉帶溪人博學工詩禿落不羣家闢

偶適軒手植名花百種日與名流酣飲題和沒忘榮利太傅萬文恪公贈偶從陶謝門前過適得孔顏樂處來楹帖從弟乙燈題其集云手著堪編花萼集家傳還有汗駒兒皆實錄也著有偶適軒詩鈔後以孫桂攀職贈武畧騎尉鄭荆獻號惠溪安鄉箔竹人性敏悟嗜經史善書有山水煙霞之癖築松園別墅與同里賓朋觴咏其中豪放自適居人稱爲陸逸先生

陳承雲號心農讀書志在聖賢不屑章句十齡就試有奇童

之目數奇得而旋失者再遂絕意進取息影山林日尋孔  
顏樂處顏書舍爲尋樂草堂有聯云尋之有得樂以忘憂  
事父與繼母色養備至友弟恭兄人無間言鄉鄰重其行  
誼舉爲鄉賓著有格致薪傳性理增訓四書分類提要如  
干卷

熊炳堃字列珍號少坡性穎異好讀書爲文不屑屑趨時徑  
試不售遂退隱楓山弄月吟風幾成詩癖著有飲虹樓詩  
草四卷編成擲筆而逝其山村晚眺句云漁燈高出樹野  
火上燎天隱隱村前渡時聞人喚船他如登板峯目空村  
落小雲壓帽簷低哭友殉難裹尸五夜精魂哭罵賊干言  
義甯州志

卷之二十六

人物志隱逸

六

膽氣寒佳句頗多錄此以見一班云

陳松齡字鶴巢武鄉人讀書能明大體不求聞達生平矜名  
節重廉恥於世無齟齬甫冠失偶不再娶日以課讀爲樂  
簞瓢屢空晏如也其清操介節髯孤山處士云



寓賢

周

慶忌吳公子也。且夫差無道，慶忌驟諫曰：「不改必亡。」弗聽。出居於艾，遂適楚。聞越將伐吳，請歸平越，遂歸。欲除不忠者，以說於越，吳人殺之。左傳

唐

陸善經、李安甫皆唐宰相。安甫者，林甫弟也。時林甫牛仙客、詆張九齡、罷相。林甫用事，善經、安甫與陳希烈、徐安貞、劉謙光、白璠相繼貶黜。林甫亦罷。安甫詩云：「避賢初罷相，樂聖且啣杯。」試問門前客，今朝幾個來。林甫因祿山復相，林甫卒。祿山為天寶之亂，善經、安甫等避難南遊，至黃龍寺，依超慧禪師居焉。希烈居平江，安甫易姓孟，避林甫。思

義甯州志

卷之二十六

人物志寓賢

一

李質字公幹，襄陽人。應試不第，至豫章，遇寇倉皇入旌陽山，得日觀寓焉。攜壺登樓，朗吟一律，既罷，如有人呼曰：「尚書公在此。」公後果登第，鎮豫章如其官。

宋

宋庠字公序，初名郊，弟祁字子京。安州安陸人。父杞嘗為九江榷，與其妻鍾禱於廬阜，夢道士授以書，曰：「以遺爾子。」視之，小戴禮也。已而庠生，他日見許真君像，即夢中見者。少時聞分甯黃中理開櫻桃芝臺兩館，廣收圖籍，以延四方

學者庠兄弟皆就學焉天聖初同舉進士禮部奏和第一  
庠第三章獻太后不欲以弟先兄乃擢庠第一真和第十  
人呼二宋以大小別之後庠官至司空謚元獻和官至工  
部尚書謚景文

蘇軾字子瞻眉山州西南六十里有來蘇渡志謂子瞻訪  
黃魯直至此故名鶴林玉露謂蘇子由貶高安監酒時東  
坡來視之經過此渡鄉人以爲榮故名雖傳聞各異子瞻  
和魯直詩有云明年我亦東南去畫舫何妨宿大湖一作太湖  
或云分甯有大湖山蓋嘗踐斯諾矣

元勛字不伐韓城人元祐末隨父聿宦遊分甯時黃魯直宅  
義甯州志

卷之二十六

人物志寓賢

二

憂里居勛受學焉南山雲巖之間罔不相從後成進士歷  
官春陵太守與魯直往來書簡甚多

孔平仲字毅父臨江軍新淦人元祐中入館選歷官金部郎  
中陝西鄜延帥嘗客分甯故送郭明叔詩云西安瀟灑我  
常遊

王炎新安人乾道中參知政事嘗寓分甯溪上晚步賦詩二  
首又嘗過雙井醜山谷墓有詩詳藝文

戴復古字式之號石屏天台人工詩爲江湖詩派父敏才號  
東臯子亦工詩復古爲郡守省刑薄斂作憫農詩人比聶  
夷中嘗流寓仁鄉水源有詩云乳鴨池塘水淺深熟梅天

氣半晴陰東園載酒西園醉摘盡枇杷一樹金今東西園  
乳鴨塘及九曲流觴翠微墩故蹟猶存茲據戴氏查考宗  
譜係仁鄉水源人戴氏嫡祖廬墓俱在水源道光三十年  
崩出內碑確載昭然入鄉子姓復修州牧葉濟英誌其墓  
朱世美字鍾翰新安人壯遊匡廬彭蠡溯流尋黃龍修水之  
勝道經古城嶺因移家焉性愛手談尤精岐黃崑山高漢  
封宦遊分甯慕其爲人嘗贈有詩云紫陽公後多聞達若  
論高風君最賢偶過杏林傳異術從經橘井飲香泉逃名  
靜著延年集避世閒刪學道編惟恐聖朝求隱逸更移家  
近楚雲邊其見重於人如此

義甯州志

卷之二十六

人物志寓賢

三

向士凱號鳳山河南南陽人宋太尉向敏中六世孫舉哲宗  
元符三年進士歷官宣撫使高宗建炎二年同弟士璧避  
亂徙居分甯縣之後山子孫因家焉

向士璧號岐山凱弟舉徽宗大觀三年進士歷官樞密使因  
避亂同兄徙分甯後山復遷李村金鼓山年九十七歿葬  
其地生子三仍住後山閱二世分處海湖坪金鼓山五世  
始遷安樂鄉田溪潭頭卽今之十都其後子姓聚族於斯  
裔孫芳裕候選經歷子明庠生

明

黎瀆湖廣華容人宣德中父斌官甯縣丞瀆隨侍讀書後以

廷對第一歷官吏部侍郎歿謚文僖

袁彬瑞州新昌人從英宗蒙塵漠北周旋患難未嘗違忤天  
順復辟官都指揮僉事成化初進都指揮使擢都僉事蒞  
前軍都督府微時客大里王氏留款數日既貴書禮賓堂  
額旌王氏至今猶存

孔鐸字天將號退翁鍾離人萬曆末為州牧陸卽登客精四  
體書善畫蘭草所為書深含秀發大有靈氣愛州中山水  
買宅為避地隱居處名曰九十九曲洞天甄胄錢簡栖有  
記

國朝

義甯州志

卷之二十六

人物志寓賢

四

王應斗湖廣蒲圻人明末進士官雲南道監察御史以直言  
罷斥賜環後特起巡撫崇正癸未寓雲巖寺順治中寓下

崇鄉枯源有過雲巖寺及贈太湖僧法雨詩俱詳藝文

按饒

州府志應斗字天侯崇陽人天啟壬戌進士嘗令鄱陽傳列名宦

王謨字仁圃晚號汝上老人又號乳糜金谿人乾隆戊戌進  
士官建昌府學教授十九載從遊士常數百人多所造就  
平生以著述為事如漢魏五百種遺書鈔讀書引十三經  
策案等書不可枚舉其有關風土者豫章十代文獻畧江  
西考古錄為時所重嘉慶七年掌教濂山書院講課而外  
撰修水考黑石靖考分甯八賢詠數十篇為修水吟稿人

多傳誦邵方伯雙橋題云汝水老仙修水去一囊妙句一  
錦雲

羅澤南號羅山湖南湘鄉廩生少有夙慧能日誦千言不遺  
一字壯歲研究周程之學獨得其歸自博極羣書精孫吳  
秘要由軍功保舉教諭歷升知縣擢知府授浙江甯紹道  
咸豐乙卯夏五粵匪陷甯澤南督帶湘勇援勦連戰皆捷  
克復甯城優保按察使司加布政銜愛修江山水勝景欲  
築室隱居畱連經旬不忍去旋以餽卒於軍

上聞震悼照巡撫例予祭葬

賜諡忠節入祀昭忠祠甯人士尸祝之著有羅忠節公遺集

義甯州志

卷之二十六

人物志寓賢

五

方技

宋

張損字益老與黃魯直同閭閻有巧思游意塵埃外嘗製琴  
十二曰澗泉曰香材八節曰號鐘曰玉磬曰松風曰媧簧  
曰南風曰舞胎仙曰秋思曰魚根曰九井璜曰天球魯直  
皆為銘之且遺書推為嘉器能得古人風聲氣習願附名  
不朽損有郭西水磴得蕭宰從頤旨減柴簞之害魯直特  
為致謝其為當時名流所推重如此

山谷全書

王中字良翰洛州守純中子工繪事嘗為黃魯直摹韓幹廿  
餘馬及闢立本十二國圖魯直目為佳物約荆南胡逸老

義甯州志

卷之二十六

人物志方技

一

來觀申又嘗作行菴魯直銘之曰剪機作菴駕以人肩利  
用行遠琴几後前衲子師之行坐俱禪涉江東西浸湖南  
北視之菴也行遠有足器成便成用之日新創物之智艾

王君申

全上

樊憲可號律軒仁鄉人精醫術理宗皇后疾醫者弗效憲可  
市藥杭州召而治之遂愈賜以官辭不受後卒於杭勅葬  
東津今名樊家山

元

祝泰字輔卿吳仙里人彬之子通周易精於陰陽術數所著  
有奇門年月行於世

明

鄭延謙泰鄉石岐人通天文洪武十六年有司舉任陰陽學  
訓洪武二十六年冬太祖因暹羅國使臣未至詔天下陰  
陽卜者于有餘人卜而驗者止三十六謙居首上亟賞之  
世其官

沈源字不竭西鄉人重厚端謹好讀書精於醫鄉人有請雖  
寒暑風雨必至所活甚衆而余貴升者里下人敦尙氣節  
工於梅蘭竹石士夫爭購之號樵隱年七十卒

鄧聖章安鄉湘竹人有道術祈晴禱雨治病驅邪輒有應臨  
終偈云落落魄魄無執無着不喜不怒先覺後覺跳出塵

義甯州志

卷之二十六

人物志方技

二

籠蓬萊着脚

龔百和安鄉清涼人精道法歲旱延之禱雨揚袖風生揮鞭  
雷震至今里人猶能道其遺事

鄭雲賢安鄉箔竹人少遇異人授以法術能掌運五雷証指  
揮風雨無不立應凡害邪病者雲賢書符祛治之邪氣隨  
以蕩滅至今里人相傳有法師之稱云

國朝

吳成伯武鄉窰前人精岐黃數年前能診人生死有鄉人猝  
死具棺繫豕治喪具吳聞駭曰此人予昔診不應今歲死  
胡爲不然疾趨視之已將就殮見其目尙未陷乃以葯吹

鼻遂甦而愈又有村兒羣嬉於野吳見一兒顛忽凹語其  
隣曰此兒有病不速救今夕成發亥死隣語其父延治之  
兒畏針灸走匿麥稈中吳乃歸及暮疾作依期而卒其神  
異甚多活人無算

王松字偉期州治人少爲諸生落落有奇氣晚號艾國間人  
書法鍾王畫山水法黃鶴山樵性耽菘石經營布置別有  
巧思乾隆二年纂修志乘松摹縮八鄉爲圖如掌紋藻炳  
晚年貧益甚終隱於畫醉筆狂揮皆得米顛生趣遇賞識  
則傾篋相贈富人雖多金購必峻拒之嘗爲友人寫風雪  
圖題句云岸懸阮籍眼樹折陶潛腰有屋皆堆玉無山不  
湧潮可想見其風致

義甯州志

卷之二十六

人物志方技

三

羅浮梅字振魯別號雪峯隱居迢瀨工畫梅每一幅成人爭  
以金錢購之浮梅得錢卽招集同人倡和梅花詩詞縱飲  
極樂孝廉劉顯祖爲羅浮梅說曰羅君以浮梅自况也殆  
深意於師雄一夢哉昔趙師雄遊羅浮夢美人芳香襲人  
叩酒家共飲醉卧而醒身在大梅樹下見月落參橫翠羽  
啁啾遂悵然歸今羅君性嗜梅齒梅片口詠梅詩手寫  
梅狀無時不在暗香疎影中羅之大覺豈不勝師雄之癡  
夢哉州司馬翟斯淫贈句云幽人不作師雄夢修到梅花  
骨欲仙熊高福贈句云古貌古心饒古趣此生端合住羅



浮年八十餘一日晨起寫梅十幅擲筆而逝

胡松字穎達號青圃泰市人性至孝嘗割股以療母病後治盧扁術深知變法每遇求醫無遠近輒應活人無數不責償有貧不能就醫者並書方購葯給之其懃懇濟人如此年八十餘見孫涵酉領嘉慶辛酉鄉薦

王作楫字定波號古愚奉鄉江頭人幼警悟讀書能通大義年十九補弟子員嘗言學必期有用達則用才以施政窮則用術以濟人分也遂力攻醫術凡黃帝靈樞神農本草秦越人難經皆研鍊精深得其旨趣以醫術鳴於時有李某子甫週病危欲絕舉家惶泣作楫過而視之曰此風閉

義甯州志

卷之二十六

人物志方技

四

也用按摩法以火灸之立蘇族叔某者病死數日將殮作楫往唁探其胸微溫曰此氣閉也灼其背霍然醒進服理中湯數日而愈著有急救驗方保產要書又精形家術力辯斗首五行之妄發明陽宅大成諸書正以造命五行著選擇先資行世

姜璧字幼石號笨人武鄉人通畫家六法尤工山水得荆關筆意每酒酣潑墨迥出塵表喜吟咏多由天機而成卜築灌城東湖上與游皆知名士破屋數間唱和琳琅滿壁晚年技益精放浪自喜遂老於東湖

以上甲申志

胡星煌字簡勳號南垣武鄉帶溪人性篤實端方行止不踰

禮法鄉里童兒見皆起敬清貧積學屢困名場旁精素問  
青烏家言著有醫林治論地理可觀集五十卷地學陰陽  
十卷選擇十卷道光元年因同居不戒片紙隻字悉爲灰  
燼後復重新集訂積成卷帖如舊年八十有六歿前一月  
預卜殯葬日期及時含笑而逝子恩貢克恭號恪山清  
修有父風叠薦未售士林惜之

桂輪字穎川西鄉六十七都人幼習舉業試弗售究心靈素  
能得意外意治病多奇中貧不能市藥者周之卒之日有  
哭至失聲者著有醫方集畧二卷鑑齋醫案一卷子爾揚  
孫林開相繼貢舉

義甯州志

卷之二十六

人物志方技

五

饒雲字美成號幻峯安鄉人性耽山水築室海湖峯下種梅  
數百本豪放自適善畫尤工山水雅得荆關筆意人爭購  
之中年喜吟咏嘗作荷梅尋詩圖遠近文人唱和相屬不  
絕

袁斗輝字拱辰號奎垣仁鄉

楊柳

山人儒醫友松公仲子也精

父業有濟世心診視慎重常著奇效遠近賴之著有醫學  
集要子孫世繼其業

劉濱字夢飛號漱泉安鄉人善寫照尤精山水梅竹意趣天  
然而筆力極蒼古士大夫家多購之

陳嘉言武鄉人太學生業醫尤精幼科家常備藥物全活甚

多有艾某幼病氣絕嘉言嚼丸滲漉立起至今鄉里猶道其事年八十三卒著有活幼勳奇四卷其孫石屏淵源家學治療奇疾無算刺史胡樑額贈德媿良相卒年六十二著有保赤金丹行世

何藻字墨池州治人善丹青尤工山水每一紙甫就人爭取之其子雲生號一溪世其業凡人物草木鳥獸酷肖其神咸豐五年城陷雲生與子媳眷屬俱殉

陳集槐字如珍號浚楚州治鳳山人議叙翰林院孔目 誥封中憲大夫陳密之曾孫也生平工詩畫善鼓琴家城市無塵囂習氣旁通風鑑常以此臧否人物不爽彙彙著有

義甯州志

卷之二十六

人物志方技

六

相理衡真行世年七十餘卒

鄭奉簡號錄筠安鄉箔竹人善醫望色辨症決人生死不爽求醫者相屬於門雖隆寒盛暑無小間布襪裹丸藥隨行遇貧病予之不索值著有濟生篇全書五子俱克承父志長子竟泉淵源家學聿著奇效

鄭以成號德莊仁鄉西源人習舉業通醫理療人有奇效未嘗責報遇貧困輒施錢藥賴以活者甚衆年六十卒子宗元繼之行術尤著舉良醫所醫學訓科惜不永年著有症治真詮二卷

汪簡字照陰號竹間泰鄉彭姑人事母以孝聞善圖畫得米

襄陽筆意士大夫爭購之生平遠塵囂絕嗜慾自號修江散人卒年六十

莫汝能字惟金武鄉人好學能文博覽羣書於內經金匱益加研究里甲有病目者覲面無所見服汝能方明如故自是名大起遠近延診相屬於門凡疑症奇疾羣醫束手者汝能治之立瘳歲活人無算從不取貲人尤佩其德著有醫六全書

魏澄清字春湖武鄉人生平輕財任俠好讀書博通青囊金匱奇門六壬諸秘遠近求醫輒往視貧者施以藥餌不取貲活人甚眾年老精神矍鑠夕泝懈仰觀頰譽望者以爲

義甯州志

卷之二十六

人物志方技

七

神仙中人著有地理心印錄四卷春湖隨說詩鈔二卷

車世奇號雋齋崇鄉北車人棄儒就醫拯活甚眾遇窶人不受謝輒贈以錢藥著有醫學經驗四卷年六十無疾而卒先一夕有白鳩集神几識者以爲仙馭之兆云

張賡颺號龍巖奉鄉水碧源人少讀書不遇改業岐黃盡得其秘要治療多奇效遠近賴以活者甚眾惜不永年

姜毓麟號潤生安鄉長茅人習舉業屢試不售遂專心醫理精研仲景傷寒論金匱玉函諸書治病應手立痊晚年施丸藥活人無算

熊樹滋字振鐸號西園高鄉乾坑人性忱爽讀書未遇精岐

黃業造門者輒往診視不索謝有某病危甚勺飲不入數日樹滋投劑卽愈人謂盧扁再生云著有保赤金丹行世

義甯州志

卷之二十六 人物志方技

八

